

تدبرات في سورة النازعات | #محاضرة | د. حازم شومان

حازم شومان

الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببيدك الخير كله واليك يرجع الامر كله.

اللهم صل على عبدك ونبيك محمد صلى الله عليه وسلم في الاولين والآخرين وفي كل وقت وحين. اما بعد اخواني - [00:00:01](#)
احبابي في الله بادئ زميلنا كده عايزين نتضم يا جماعة يعني ايه المسجد عريض شوية ولا اللسان ده حلوة ولا ايه بالزبط يعني اللي
ضهره مش مش يقرب شوية. يعني اللي ضهره ما هواش تعب وكده ومحتاج انه يسند عشان آا عنده مشكلة في الضهر او كده ممكن
يقرب منا شوية ان شاء الله بازن الله - [00:00:21](#)

حبيبي وربنا يحفظك. ربنا يجوزك. من قلبي يعني. ان شاء الله اتجوزك من على الصراط ان شاء الله. احسن احسن حد يفهمنا غلط
بس يا جماعة. يجوزك من على الصراط ان شاء الله بازن الله. هو فيه فرق يا جماعة بين ربنا يزوجك وربنا يجوزك. يعني يزوجك
يجوزك - [00:00:42](#)

كما يزوجك تبقى ايه؟ تتلخبطوني ليه؟ ربنا يجوزك يعني ايه؟ تجوز الصراط ربنا يزوجك يعني ايه؟ يزوجك ان شاء الله من الحور
العين بقى. ومن الحور الطين ان شاء الله بازن الله. الحمد لله وكفى وصلاة وسلاما - [00:01:02](#)
على عبادي الذين اصطفى. اما بعد آا يعني اخواني واحبابي في الله. تعالوا نعيش كده مع صورة من صور كتاب الله. تعالوا نعيش مع
آا بعض آيات من كتاب الله - [00:01:22](#)

في سورة من سور القرآن انتم عارفين ان رمضان خلاص قرب على الابواب رمضان لسه باقي عليه. ايه يا دكتور احمد؟ لسه باقي
على قد ايه؟ اه يعني اسابيع بازن - [00:01:32](#)

الله سبحانه وتعالى وعارفين ان رمضان السنة دي مستهدف يعني فيه ايه في في الامم الاوروبية هيبقى في رمضان؟ ها آا كأس
الامم الاوروبية متهيأ لي هيبدا اهو وهيبقى في يعني ايه؟ يعني في حاجة تابعة للامم الاوروبية في رمضان في الكورة. والسانوية
العامة في رمضان وفي امتحانات جامعات في رمضان. والمسلسلات بتاعة رمضان - [00:01:42](#)

لسه ايه ثاني في رمضان؟ ها لسة فيه قصص كمان في رمضان. فرمضان مستهدف يا جماعة. فاحنا عايزين السنة دي بازن الله
رمضان في الجون. يعني ايه رمضان في الجون؟ عايزين رمضان صح - [00:02:02](#)
ان شاء الله بازن الله. عشان يبقى رمضان في الجون عايزين نستعد استعداد قرآني حقيقي سليم. قبل الانطلاق الى رمضان بازن الله
سبحانه وتعالى. تعالوا عيش مع سورة من سور القرآن. يعني السورة اللي في صدري كده وانا جاي لكم في الطريق. سورة النازعات.
سورة النازعات. يعني الحقيقة ان اسم سورة النازعات - [00:02:12](#)

فالاسم اسم صعب يا جماعة. اسم صعب من وجهين. المعنى المتبادر الى الزين ان النازعات ديت ملايكة الاحتضار ملائكة نزع الروح.
يعني النزع ده لما شجرة تتنزع من الارض. يعني حاجة ضد مقاومة شديدة. يعني انت لو عايز تعرف سبب الم الموت سبب الم الموت
هو - [00:02:32](#)

اديت حبك للحياة. فلما باجي انزع منك انت مسلا واحد بيحب الذهب اوي. فماسك سره ذهب. فانا باشدها منه وهيسيبها لي
بالساهر. لأ هتبقى لازم عشان كده وينزع الملك ممن ايه؟ وينزع الملك ممن يشاء. ليه ينزع الملك؟ لان الملوك بيبقوا متبتين في
الملك. فمش بيبسيبوا بالساهر - [00:02:52](#)

يعني مش يبجي مسلا ايه يعني يحصل عليه اي مشاكل في مملكته يقوم يقول خلاص يا جماعة انا مش عايز ملك لأ مش عايز مين.

ده بتبقى نزع. انت عارف - 00:03:12

دكتور سنان وهو بينزع درس مريض ولكن من غير بنج. فما بالك بنزع روح من كل عرق وعصب ومن غير بنج. ملايكة الموت. فكلمة النازعات كلمة صعبة ان فيه صورة تبقى بتتكلم عن الاحتضار. او ان فيه صورة تبقى بعنوان الاحتضار. جزاك الله خيرا - 00:03:22
ان في جزاك الله خيرا جزاك ان تقول لها زوق والله على طول ان فيه صورة تبقى بتتكلم عن ايه عن الاحتضار فمعنى النزعة عشان كده في اللغة يقول لك آآ آ ان - 00:03:40

اللي هو المهر اللي امه اتاخدت منه. اه او اللي اللي امه اتأسرت منه. يبقى نزع خلاص هيموت على الشيء ولكن خلاص انى له فده النقطة الاولانية الصعبة في الاسم يا جماعة. ان الاسم بيتعلق بلحظة كل الناس خيفة منها. المؤمن والكافر خايف منها. المتدين وغير المتدين خايف منها - 00:03:54

اللي هي لحزة خروج الروح من الجسد. الكل قلقان جدا من هذه اللحزة. المعنى الثاني ان النازعات انك لن تستطيع ان قلق في الدنيا في الدين الا ان نزع حب الدنيا من القلب. ان لازم عشان تنطلق في الدين لازم الاول الدنيا. المتأصلة في قلبك - 00:04:14
زي ما قلنا ان الم الموت على قدر ايه؟ على قدر حبك للايه؟ للدنيا. يعني ان انسان يعني متعلق بالدنيا فنزع روح مش بيبقى زي انسان ايه هو اصلا متعلق بالآخرة يعني في فرق شديد جدا ما بين واحد قاعد في بيته وجت قوة من البوليس تقبض عليه - 00:04:34

عشان تسجنه سجن مؤبد وهو رايع معهم بيتنزع كأنه بيتنزع من بين مراته وولاده. وواحد ثاني شاب قاعد في البيت وفاتت عليه شلة اصحابه طالعين الساحل الشمالي تنفسح ونلعب ونستمتع بشبابنا فهو نازل ويبجري ويبفرح ده الفرق بين النازعات غرقا والناشطات ناشطة - 00:04:54

الانسان رايع سجن. انسان كاره الآخرة والعياذ بالله لا يرجون لقاءنا. وانسان عايز ينطلق الى الله. وانسان مشتاق لربنا. ولقد كنتم ايه ها تمنون الموت. تمنون يعني ناس وصلت من درجة حب الآخرة. وحب لقاء الله ان الموت بقى ده امنية عندها. فالماء - 00:05:14
النقطة الثانية اللي هي ان قضية نزع الدنيا من القلب دي قضية محورية. مشكلتك في الحياة الدنيا اللي في قلبك. اللي مكسلك وموقفك وواهم دنيا حد يقدر يجيب لي دليل ان هم الدنيا هو سبب الشلل. ها قال رسول الله صلى الله عليه وسلم اللهم اني اعوذ بك من الهم والحزن - 00:05:34

فالاول الهم واعوذ بك من الاله؟ العجز والكسل. يبقى ايه اللي بيخلي الانسان يعجز ويكسل؟ ومش قادر والتلت الاخير من الليل مش قادر تقوم. الفجر بيدن وانت مش قادر تصحى ان دايم اللي بيكسل الانسان هم الدنيا. لو انت اتخلصت من هم الدنيا في قلبك هتنطلق الى الله. عشان كده قبل ما ربنا في سورة الحديد - 00:05:54

قل سابقوا الى مغفرة من ربكم. يعني ايه سابقوا؟ انزل المسابقة. اجر. انطلق الاية اللي قبل سابقه الى مغفرة من ربكم ايه؟ ها اللي قبلها ايه بسورة الحديد اعلمو انما الحياة الدنيا لعب ولهو وزينة يتفاخر بينكم وتكاثر في الاموال والاولاد. كمثل غيث - 00:06:14
اعلموا انما الحياة الدنيا يعني لو انت خرجت الدنيا من قلبك هتقدر تنطلق والسابق. طول ما الدنيا في قلبك انت مشلول. طول ما هموم الدنيا في قلبك وهموم طموحاتك وهي في قلبك وهموم مشاكلك الدنيوية في قلبك. القضية انك تقدر تتخلص من هم الدنيا. لو قدرت تنزع هم الدنيا من قلبك. لو قدرت تجاهد وتنزع هم الدنيا من - 00:06:34

قلبك ستنطلق الى الله. هتبقى من المنطلقين الى الله. فده معنى خطير جدا انزعوها من قلبكم بقى. عشان كده يا اخوانا حد يعرف سورة النازعات نزلت امتى حد يقدر يقول لي سورة النازعات نازلة امتى؟ زمن نزولها امتى - 00:06:54
ما حدش يقول لي مكى ومدني. انا انا عايز بالزبط امتى؟ امتى؟ لما تعرف الوقت اللي نزلت فيه السورة بتبقى كأني كنز واتفتح لك. لما تعرف السورة - 00:07:09

القصة دي نازلة امتى؟ النبأ والنازعات النبأ والنازعات نازلين في بداية المرحلة الجهرية. يعني النبي قعد ثلاث سنين عليه الصلاة والسلام مع الصحابة يربيههم في دار الارقم في الدعوة السرية. مرحلة المعاني التأسيسية بقى. اللي نزل فيها سورة الفاتحة ونزل فيها

سورة الاعلى. ونزل فيها جزء من سورة الفجر ونزل فيها - 00:07:19

جزء من سورة المزمل والمدرس واقرأ والقلم آآ المرحلة التأسيسية الاولانية والليل المرحلة الاولى داهي اللي هي فيها المعاني التأسيسية للدين. بعد كده بقى جاء التكليف للنبي عليه الصلاة والسلام. انزل للناس في الشارع بقى. انزل للشباب في النوادي

والمقاهي انزل للناس اللي واقفة في الشوارع - 00:07:39

انزل للناس في كل مكان. طبعا اهل مكة ما كانوا هيتبرعوا ان هم يدوا للنبي عليه الصلاة والسلام مكان سابت كده يقولوا له يا محمد ابن عبدالله آآ قابل الناس في هذا المكان. اهل الباطل عمرهم ما بيعملوا كده مع اهل الحق. ولا بيسيبيوهم يتكلموا في الدين ولا يتكلموا في - 00:07:59

بالساهر التكليف كان ان النبي ينزل في كل مكان وينزل في كل الشوارع. عليه الصلاة والسلام. الصور اللي نازلة في الوقت ده بقى اللي هو اول المرحلة جارية النبأ والنازعات. يبقى لو انت هتنزل الوقت تكلم شباب على قهوة. شباب قاعدين على مقهى. هتكلمهم

بصور ايه؟ بهزه السور. ما هي دي الصور اللي - 00:08:16

للناس اللي مش عايزة دين. عشان كده في سورة النبأ عما يتساءلون عن النبأ العظيم. لما النبي عمل ايه؟ لما النبي طلع على جبل الصفا وصرخ السلام عن الدار الآخرة. ابو لهب قال له ايه؟ الهذا جمعتنا؟ تبا لك سائر اليوم؟ احنا بنحسب بهائم من البهائم بتاعتنا هربت ولا حاجة - 00:08:36

شوية انعام هربت بنحسب ان الفلوس بتاعتنا في خطر. انت عامل كل المشاكل ده ايه وبتصرخ في الناس والتاجر اللي مش عارف بسبب صفقة يجري يسمع. بعث حد يجري يسمع ومكة كلها اتقلبت. عشان في الآخر تقول لنا في دار آخرة وفي جنة وفي نار وربنا هيحاسبكم - 00:08:56

وتبعث بعد الموت تبا لك. الهذا جمعتنا؟ شوفوا النبي عليه الصلاة والسلام. شوفوا الصور دي بتكلم مين؟ بتكلم ناس مش عايزة تسمع دين اصلا. تخيل لما تنزل تكلم واحد صاحبك في الدين يقول لك يا عم انا مش عايز اسمع. يا عم انا باتخايق اما اشوفك اصلا. يا عم انت خنيق مش عايز اسمع منك حاجة. في الصور دي بتكلف. فسورة النبي - 00:09:16

بتكلم واحد مش عايز يسمع. تيجي صورة النازعات بقى بيتكلم مين؟ بتكلم واحد النازعات النبي عليه الصلاة والسلام كان بيستعملها في حاجة عجيبة جدا. حد عارف ايه الحاجة ديت؟ سورة النازعات الايات بتاعة جاءت الرأي يوم ترجف الراجفة تتبعها الرادفة. ها؟ النبي كان بيستخدم هزه - 00:09:36

في حاجة، حد عارف ايه؟ في ايقاظ في ايقاف جزاك الله خيرا في ايقاظ الصحابة لقيام الليل. في ايقاظ الصحابة النبي كان يصرخ في المدينة المنورة عليه الصلاة والسلام - 00:09:56

اذا بقي ثلث الليل الآخر. ويقول جاءت الراجفة تتبعها الرادفة. جاء الموت بما فيه الا ان سلعة الله غالية. الا ان سلعة الله الجنة من خاف ادلج. ايه ده ده خطبة - 00:10:10

ده النبي عليه الصلاة والسلام كان بيصحي الصحابة لقيام الليل بخطبة. النبي ده دي معاني تتشرح في درس يا جماعة. المعاني اللي النبي عليه الصلاة والسلام كان بينقز الصحابة فيها لقيام الليل - 00:10:30

فكان بيستخدم سورة النازعات لايقاظهم يعني ايه؟ يعني المعاني دي بتكلم واحد عايز عايز يصحى لقيام الليل ولكن مش قادر. عاوز بس مش قادر. نفسي ان انا اقرب ولكن مش قادر ودي مشكلة عند ناس كتير مننا. انا نفسي عايز تقدر انزع الدنيا من قلبك. اعمل عملية النزع. خرج الحاجة اللي عاملة لك - 00:10:40

شلل جواك وهو حب الدنيا في القلب اللي انت لو اتخلصت منها ستنتقل الى الله. سبحانه وتعالى. آآ عشان كده من الكلمات العظيمة اللي في الصورة والناشطات نشطا. يعني اللي هيفهم سورة النازعات يا جماعة هيتحول الى ناشط اسلامي. مش بيقول لك ناشط سياسي ناشط اسلامي ناشط في قيام الليل ناشط - 00:11:00

في الصيام. ناشط في جلسات الضحى ناشط في الدعوة الى الله. ناشط في تلاوة القرآن. السورة دي بتديك نشاط لانها بتنزع الحاجة

اللي شالك فبتقدر نشاط في العمل الصالح. تعالوا كده نحاول ايه يعني نتدبر كده في بعض ايات من سورة النازعات. ونعيش الجزء التلاتين يا اخوانا يعني ده اضعف الايمان يا جماعة. اضعف - 00:11:20

الايمان ان كل مسلم يبقى فاهم الجزء التلاتين. ده الجزء اللي كل الصلوات اللي انت بتصليها تقريبا تسعين في المية. من الصلوات اللي انت بتصليها مغرب وعشاء وفجر الائمة بيقرأ بها - 00:11:40

الجزء اللي الامة كلها حفزاه. يعني غالبا غالبا كده انا ممكن اصلا اقول لك اية من الجزء التلاتين. تقوم انت مكملها حتى لو ما انتاش عارف في سورة ايه. يعني ده الجزء اللي الامة - 00:11:50

لا تقريبا معظمها حافظوا. ده الجزء اللي سهل ان اي حد مننا يراجع. فالمفروض الجزء التلاتين ده الناس بيتتهيا لها ان هو معاني سريعة كده وخلص. كلام سريع ورا بعضه وخلص - 00:12:00

والنازعات غرقا والناشطات نشطى والسباحات سبحة فالسباكات انت بتقرأ ايه انت عارف انت بتقول ايه مش تبدأ تتدبر في الكلام اللي انت بتقوله ليه الجزء التلاتين الايات بتاعته سريعة سريعة كأن واحد نايم وفي غيبوبة خلاص. والقطر الساعة تمانية والساعة تمانية الا عشرة. وواحد بيرزق الباب عشان يصحى. يا يلحق يا ما يلحقش - 00:12:10

فبيرزق الباب بسرعة بسرعة بسرعة. بصورة مفزعة. يعني سورة ايه؟ سورة مقصود ان نمط الايات في الجزء التلاتين نمط يجعز نفسيتك يخوفك. يحسسك ان فيه موضوع خطير. ان فيه موضوع كبير. والنازعات غرقا. والناشطات نشطا. المنزر - 00:12:30

الاولاني في الصورة منزر اتنين نايمين في عناية مركزة بقى. اتنين آآ بيموتوا ولكن واحد نازل له ملائكة غير الثاني خالص. والنازعات غرقى. ده واحد الملايكة بتغرق في نزع الروح بتاعته. والناشطات ناشطة. ده منزر ثاني. ده واحد الملايكة بتنشط في - 00:12:50

اخراج الروح بتاعته هو نفسه روحه تنشط يعني تخرج تسيل كما تسيل القطرة من فى السقاء لو يعني ايه تسهيل القطرة من فيه سقاء؟ لو انا عملت اه البتاعة دي كده الماية ما هتصدق تنزل. الماية اصلا عايزة تتحرك. فما هتصدق ان انا اعمل لها كده تنزل. اهو بالزبط كده. دي الروح بتاعة البني ادم - 00:13:10

المؤمن لما تيجي الملايكة بتاعة الموت هو ما مصدق يخرج. هو ما مصدق يخلص من هذه الدنيا. وان الدار الآخرة ليه الايه حيوان يعني ايه اللي هي الحيوان؟ حد يقدر يقول لي يعني ايه ليها حيوان؟ - 00:13:30

طيب مكان ربنا يقول لي هي الحياة الايه يعني ايه الحيوان؟ قال لك الحيوان ديت على وزن الفعلان. قال لك الفعلان دي ما بتجيش في اللغة غير لما يكون حاجة الحركة بتاعتها فظيعة. الله بان. ها - 00:13:45

الخليان اه حاجة فيها حركة عزيمة. يقول لك الصيغة دي تيجي في اللغة لما تكون الحركة ضخمة وان الدار الآخرة لا هي حيوان يعني انتم ميتين. هو انتم فاكرين ان الدنيا دي! يا عم انت اخرك لما تروح تتفسح هتطلع على جمصة يعني! تضرب لك آآ نص كيلو سمك مشوي من هناك وتيجي - 00:14:07

بتعمل ايه يعني؟ الشاب الروح طحن اخر حاجة بقى التنين بقى اللي ما حصلش يعني. هياخد الشلة بتاعته ويطلع على الساحل الشمالي. انت بتعمل ايه؟ يا ابني وتلك الجنة - 00:14:27

التي ورثتموها قال بعض المفسرين ان الرحلة التي يقطعها المؤمن اول رحلة له في الجنة بس. لاستكشاف املاكه بتاخذ الف سنة. من اجل ان شف املاكه في الجنة. وان الدار الآخرة ليه الايه؟ الحيوان. يعني حركة مهولة. انتم عارفين الجنين في بطن الام. تيجي تكلمه بقى تقول له ايه اخرج للدنيا - 00:14:37

دنيا ايه! حرام عليك! ده انا باحرك ايدي وباحرك رجلي وعائش! بعد ما يخرج بقى ويبقى شاب بقى وراجل بقى زينا كده! تيجي تقول له ترجع بطن الام ثاني! يقول لك حرام عليك ما - 00:14:57

بالحياة. ارجع ازاي؟ هو ما كانش متخيل ان هو اصلا ما هواش عايش. غير لما جه الدنيا. اهو بالزبط كده الانسان في الدنيا. تقول له الآخرة والجنة يقول لك - 00:15:07

القبر الضيق يا ابني ضيق مين ؟ يا ابني وان الدار الآخرة لهي الحيوان انت ميت بالحياء. هو انت عايش اصلا! هو انت عايش انت انسان مدفون يبقى لا هي الحيوان يعني الحياة المليئة بالحركة. المليئة بالمتعة. المليئة بالذهاب والمجيء - [00:15:17](#)
في النعيم وفي اصناف النعيم يبقى آآ يبقى ديت والنازعات غرقا والناشطات ايه؟ والناشطات نشطا النازعات غرقا. ملايكة اللي بتنزع رح الظالم او الفاجر او كافر وتغرق في نزع الروح والعياذ بالله. والناشطات ناشطة الملايكة التي تنشط في اخراج روح المؤمن. وهو روحه بتنشط معهم. طب والسابحات - [00:15:37](#)

في سبحة ها الملايكة برضه نوع من اصناف الملايكة اللي آآ السباحة هي الانطلاق بالعائق. يعني السباحة الانسان ببسبح يعني ايه ببسبح؟ ينطلق بلا عائق ما فيش حاجة موقفاه. لا يعوقها شئ عن عبادة الله. فالسابقات سابقة التي تتسابق لارضاء الله - [00:16:00](#)
فالمدبرات امر التي استعملها الله في تدبير امور الكون. ده ملك الجبال ده ملك المطر. ده ملك السور. ده ملك يبقى عشان كده يعني بعض المفسرين اشار الى ان المقدمة بتاعة سورة النازعات مش بس عن الملايكة. وانما ده منهج التربية القلبية اصلا. لو انت عايز تصلح - [00:16:20](#)

قلبك الايات دي مرتبة لك طريقة اصلاح قلبك. يعني انتم عارفين ان الايات ممكن يبقى لها اكثر من معنى. ممكن يبقى لها اكثر من تفسير. يعني مسلا وازا القوا منها مكانا - [00:16:40](#)
ايه؟ ضيقا مقرنين. يعني ايه مقرنين؟ في مفسرين قالوا مقرنين. يعني تقوم ايديهم مربوطة في بعض كده وايديهم ترتبط في رقبتهنم والعياذ بالله لا يقتربوا ببعض كده ويتلفوا بقيد ويترمي في جهنم والعياذ بالله وهو ايه مقرن في بعضه. بعض المفسرين قالوا لأ ده الشلة - [00:16:50](#)

الصحة السوء مع بعض بقى اللي كانوا بيعصوا ربنا مع بعض. يتسلسلوا في سلسلة واحدة مع بعض ويترموا مع بعض. ها مفسرين تانيين قالوا لأ ده الواحد يبجي مع قرين - [00:17:10](#)
الشیطان بتاعه قرين الشياطين بتاعه ويتسلسل معه ويترمي معه. مقترن معه فهي كلمة ولكن لها اكثر من ايه؟ لها اكثر من انا زي قول الله ولا تنسى نصيبك من الدنيا. ففيه مفسرين قالوا يعني ايه ولا تنسى انت سيبك من الدنيا. ها؟ يعني ايه؟ يعني آآ خد - [00:17:20](#)

الحلال يعني كل واشرب واتبسط عادي الدنيا فيها حلال. جمهور المفسرين على خلاف هذا. جمهور المفسرين وابن عباس على ان ولا تنسى نصيبك من الدنيا مش ده معناه؟ اومال معناه ايه؟ معناها اياك ان تضع عمرك دون ان تفعل طاعات تلقى بها الله. يعني الم نصيبك ده - [00:17:40](#)

مش الاكل والشرب الاكل والشرب ده بيتاكل وبعد كده يترمي في الزبالة. قال لك نصيبك بجد هو العمل الصالح اللي انت عملته. ده جمهور المفسرين في الاية. ناس تالفة قالت كلمة عجيبة جدا، قالت لأ نصيبك من الدنيا لا هو الطاعة ولا هو المباح والاكل والشرب، امال ايه؟ قال لك الكفن ده قول في التفاسير. يعني ايه الكفن - [00:18:00](#)

وانزر لمن ملك الدنيا باجمعها. هل راح منها بغير القطن والكفن؟ فقال لك انت الدنيا دي كلها بنيت ما بنتش كسبت فلوس عملت رصيد خلفت عيال. في النهاية بتخرج منها بايه؟ كفن. ما خدتش منها غير الكفن. فقال لك اياك ان تنسى الكفن. هات كفن وحط - [00:18:20](#)
في الدولاب بتاعك ودايما افكر الكفن. وافكر ان ده الحاجة الوحيدة اللي انت هتخرج بها من الدنيا. فهل هذه المعاني يضاد بعضها بعضا؟ لأ. دي معاني ايه ده سليم وده سليم وده سليم. والقرآن ايه؟ ببقي آآ ممكن الاية الواحدة تخرج بمعاني. ففي آآ هنا ممكن ده يبقى ترتيب اصلاح القلب - [00:18:40](#)

يعني ايه ترتيب اصلاح القلب؟ قال لك والنازعات غرقا. قال لك ده اول مرحلة لو انت عايز تبقى انسان نضيف. لو انت عايز توصل لربنا دي اول مرحلة في الطريق. ايه هي - [00:19:00](#)
انك لازم تنزع الدنيا من قلبك. انك لازم تشيل حب الدنيا من قلبك. هو ده القيد اللي جواك. انا عايز انزل واجري في المسابقة. يا ابني الاول اتخلص من الاغلال اللي مكبلك. افهم الاول حقيقة الدنيا وافهم حقارة الدنيا. عشان تعرف تنطلق الى الله. فقال لك اول مرحلة

ان تواجه حب الدنيا - 00:19:10

في القلب وتنزعه. قال لك المرحلة الثانية والناشطات النشطة. يعني ايه الناشطات نشطة؟ انك اول ما هتبدأ تتخلص من حب الدنيا هتلاقي نفسك بقيت نشيط في طاعة نشيط في القيام. نشيط في الصيام. نشيط في ذكر الله. في جلسة الضحى. ما تلاقيش نفسك بعد الفجر. راسك بتسقط نشيط - 00:19:30

في ذكر الله والسابحات سبحا. فلما تبدأ تنشط في الطاعة هتدخل في مرحلة السبح اللي هو الانطلاق بالعائق. ما فيش حاجة هتعطلك عن ربنا بقى لانك انت اول ما بتقول انا هتوب وهلتزم وانت فكرك الشيطان هيسيبك؟ ده انت شقى عمره. ده طافح الدم فيك - 00:19:50

لما كنا بنعمل معسكرات شبابية آا ايامنا الحلوة واحد وايامنا الحلوة اتنين الواحد والله يا اخواني والله انا ما كنت اعرف ان الشيطان بيشتغل كده يعني سبحان الله العزيم الشيطان لما بيلاقى ناس بتوب بيتجنن فبيبدأ يعمل حاجات يعني يعني يقول لك اكبر خدعة او اكثر حاجة الشيطان نجح فيها - 00:20:09

انه ضيع الناس من غير ما حد يحس به. لما الشيطان بيلاقى واحد بقى تعب معه وجاي يتوب الشيطان بيجن. تلاقى الشباب مسلا عايزة تتوب يرجعوا بيتهم تلاقى واحد بيتصل هو ايه ده! المعصية اللي انا هاموت عليها وقاعد اجري وراها. اول ما رجعت من معكم هي اللي بتجري ورايا - 00:20:29

اه سواء المعصية دي مسلا واحد تاني يقول لك ده انا مش عارف لما رحت عمرة عشان اتوب من المخدرات نوع المخدرات اللي بادور عليه بقى لي سنين بقى لي فترة طويلة ما لقيتوش غير هناك. ما انا ما فيش غيرك ازيك يا ابني؟ واحد تالت يقول لك ده انا الميموري اللي عليها الحاجات اللي بتزكرني بالماضي - 00:20:49

الاديب ما لقتهاش غير اول ما رجعت من معكم. واحد رابع يقول والله يا اخواني حاجة عجيبة. كان الشيطان هيتجنن. هيتجنن. فكل واحد واحد بيحي يتوب الشيطان يقوم بقى ايه عامل له اي حاجة. عشان كده وقل رب اعوذ بك من همزات الشياطين. مش همز الشيطان - 00:21:09

لان الشيطان مش بيحي بيزك انت لوحده. لما بتيجي تتوب. ده بيحي يحاول مع الشاب ما عرفش. يقوم رايح لابوه. ايه! الواد هيضع. ابنك هيضع. انت سيب ابنك يضيع ازاي؟ الولا يسيب دراسته. الولا هيمشي مع ناس ما ينفعش مع ابوه. يقوم رايح مع والدتك. انت سايبه ابنك ازاي؟ يقوم رايح لاصحابه - 00:21:29

اتريقوا عليه. رجعوه باي طريقة. انتم هتسيبوا صاحبكم ازاي يفلت من بين ايديكم. يقوم رايح لمراته. يقوم رايح لولاده. هيتجنن عشان يضيع الانسان. فبعد والناشطات نشطة. كم واحد نشط في طاعة ربنا؟ كم واحد جري في طاعة ربنا؟ وبعد كده لما حصل له فتنة قام واقع. هنا بقى - 00:21:49

سبحة ان مهما جه الشيطان يعطلك انت منطلق بلا عائق. ما فيش حاجة بتوقفك. هنا بقى بتدخل في مرحلة جميلة اوي اسمها في السابقات سابقا. انك بتبقى من اصدق الخلق الى الله. انك بتبقى انسان طلعت لقدام بقى. انطلقت في الدين بحق وحقيقي. بقيت صابر - 00:22:09

فيحصل الكلمة الخطيرة بقى فالمدبرات ايه امرا يعني ايه فالمدبرات امرا ان يستعملك الله في تدبير امور الدعوة. ربنا بقى يستعملك في مجال من مجالات خدمة دينه. يستعملك في العمل الخيري. يستعملك في الدعوة الى الله - 00:22:29

استعملك في بناء المساجد يستعملك في فرعون غير المسلمين. يستعملك في تربية اطفال المسلمين. يستعملك في آآ تحفيظ القرآن وتجويد القرآن يستعملك يستعملك بقى. يبقى لو عايز ربنا يستعملك البداية والنازعات غرقا يوم ترجف الراجفة. تتبعها الرادفة - 00:22:46

قلوب يومئذ واجفة ابصارها خاشعة. يقولون ائن لمردودون في الحافرة! يا عم انتم بتقولوا في الحافرة ده الارض دي قاعدة تحفر فيك عارفين الحفريات؟ الحفريات يعني ايه؟ يعني جمجمة بني ادم مسلا مات مسلا من تسع تلاف سنة. جمجمة بني ادم -

00:23:06

وهيكل عزم اكتشفوه يقول لك ده عمره ميت الف سنة. يقول لك دي اسمها حفريات. فيقول لك يعني بعد ما الواحد يموت ويعدي عليه الاف السنين انت عايز تقول لي ان ده هيطلع ثاني ان الممسل الفلاني هيبقى بعد ما بقى تراب هيرجع بني ادم ثاني ان ان -

00:23:26

اغني الفلاني بعد ما بقى تراب هيرجع بني ادم ثاني يقولون ائمة لمردودون في الحافرة. اذا كنا عظاما نخرة. نخرة يعني ايه ايه؟ يعني العضم اتخر. فبقى عارفين المنخار صوت الهواء فبقى الهواء يدخل في العضم من ناحية يخرج - 00:23:46
من الناحية الثانية يعمل زي صوت الهواء كده من المنخار. اذا كنا وفي قراءة عظاما ناخرة. اذا كنا عظاما نخرة بعد ما ابقى شوية عضم كده مفتت عضم مسقوب وعضمه متاكل. اذا كنا عظام النخرة؟ قالوا تلك اذا كرة خاسرة. يعني ايه قالوا تلك تلك اسم -

00:24:06

البعيد يعني يا عم يوم ايه بقى يا عم حلني! يا عم يوم القيامة مين يا عم! تلك اذا كرة خاسرة يعني بالتعبير كده آآ زمان لما كنا اطفال كده وتشوف فيلم مسلا عربي. فالفيلم عايز يجيب لك ان الناس دي شريرين جدا. وان العصابة دي شريرة جدا. فتلاقيهم بقى قاعدين مع بعض بيضحكوا كده ويقول لك ايه - 00:24:26

ده لو البوليس قبض علينا ده احنا كنا نروح فداوية يومه داحكين يعني عايزين ايه؟ يعني عايز يقول لك انهم شريرين لدرجة ان هم عارفين انهم شريرين. وعارفين ان لو فيه عدالة هيروحوا في مصيبة. وعارفين ان لو اتقبض عليهم هيروح في مصيبة. فدل كده يقولون اننا لمردودون في - 00:24:46

اذا كنا عظام النخرة؟ قالوا تلك اذا كرة خاسرة. ده لو طلع في بعس بجد هنروح في ستين مصيبة. ليه؟ لاننا لامنا به ولا اشتغلنا به ولا عملنا يعني هو مجرم وهو عارف انه مجرم يوم ترجف الراجفة. الكلام ده امتى؟ يوم ترجف الراجفة الراجفة اللي هي النفخة الاولى. اللي هي النفخة اللي - 00:25:06

تقوم على الناس بتنتهي الدنيا وتنتهي الحياة ويموت اهل الارض وتموت الكائنات وتموت ملائكة السماوات السبعة ويموت حملة العرش يموت ملك الموت ويموت جميع من في الكون ولا يبقى الا الله سبحانه وتعالى. لا يبقى الا ما لك الملك. يوم -

00:25:26

فترجف الراجفة تتبعها الرادفة. الرادفة اللي هي النفخة بتاعة الاحياء بقى. اللي هي نفخة الساق اللي بتحيا فيها الكائنات كلها. اللي تلاقي من تحت التراب طلع مليارات البشر ومليارات الجن. ومليارات الطيور ومليارات الوحوش. وابليس والانبياء والصديقين. الكل طالع تتبعه - 00:25:46

الرادفة. انما ربنا يعني شف يوم ترجف الراجفة. مش يوم ترجف يوم ترجف. النفخة اللي الناس بترتجف منها هي نفسها بترتجف من جلال الله. وبترتكف من الخوف من الله. قال تعالى يوم ترجف الارض والجبال. ترجف - 00:26:06

الارض اللي لا حساب عليها ولا عذاب ولا اي حاجة بترتجف من ذلك اليوم. يوم ترجو في الارض والجبال بترتجف امال النبي ادم المفروض يحصل له ايه؟ عشان كده النبي عليه الصلاة والسلام اخبرنا انه يوم الجمعة تشفق كل الخلائق منه. ليه - 00:26:26
لانه تعلم انه يوم القيامة. ربنا بيقول لك واذا الارض مدت وايه؟ والقت ما فيها وتخلت. القت ما فيها. يعني يعني ممكن من الخوف والفرع القط ما فيها. انت تخيل الارض تلقي من الخوف ومن الفرع. آآ ما فيها. امال الانسان هيعمل ايه؟ وتخلت. الكل هيتخلى عنك -

00:26:46

حتى الارض امك اللي انت مخلوق منها. الكل سيتخلى عنك البشر والارض وكل شيء. فاين ستذهب ومن لك يومها الا ان يرحمك الله ان يرحمك الله سبحانه وتعالى. يبقى الكون نفسه خايف يوم ترجف الراجفة تتبعها الرادفة قلوب يومئذ واجفة. ابصارها خاشعة -

00:27:06

يقولون كانوا في الدنيا بقى بيقولوا اننا لمردودون في الحافرة؟ يعني يوم القيامة فيه سخرية عليهم. انتم كنتم في الدنيا بتقولوا كده

؟ كنتم تقولوا انذا كنا ومن نكر قالوا تلك اذا كرة خاسرة فانما هي زجرة واحدة. انما اقوى اداة حصر في اللغة فانما هي زجرة واحدة -

[00:27:26](#)

ايه ده! الكون كله لا يحتمل نفخة. مش نفخة من الله. وانما نفخة من جندي واحد من جنود الله. نفخة واحدة. عارف لما واحد يبجي الثاني يقول له يا عم رح ده انت ما فكش نفخة. الكون ده هو كله ما فيهبوش نفخة. فانما هي زجرة واحدة فاذا هم بالساهرة. الساهرة

اللي هي ارض - [00:27:46](#)

سميت السيارة لان خمسين الف سنة سهر. ما حدش هينام. ما فيش حاجة اسمها واحد تعب بعد عشر تلاف سنة فينام. ما فيش الكلام ده. اه فازا وفي بعض المفسرين - [00:28:06](#)

السيارة اللي هي جهنم لانه لا نوم في جهنم. ما فيش نوم في جهنم. زي الجنة كده. الجنة فيها نوم ولا ما فيهاش نوم قال لك الجنة ليس فيها نوم الاجهاد. يعني ايه نوم الاجهاد؟ يعني انا جريت وتعبت وسافرت ورحت واتفست فراجع تعبان عايز اريح - [00:28:16](#) قال لك النوم ده مش في الجنة. انما من باب التلرز يمكن ان ينام الانسان ايه ؟ من باب التلرز. انما نوم الراحة بعد الاجهاد وازهاب التعب قال لك هذا ليس موجود في الجنة. ما فيش تعب في الجنة. فانما هي زجرة واحدة فاذا هم ايه؟ بالساهرة. وانت عايش مع الدار الآخرة وعائش مع - [00:28:34](#)

القيامة وعائش مع الاحداس بتاعته تلاقي الايات خدتك لجو ثاني خالص. هل اتاك حديث موسى؟ الايات خرجتك في مجال ثاني خالص هل اتاك حديث موسى اذ ناداه ربه بالوادي المقدس طوى. اذهب الى فرعون انه طغى. هو انت لو بتحسبها كده - [00:28:54](#) عقلك المفروض اذا بالفرعون انه ايه؟ طغى. طغى ده يعني مرعب. ده طاغية. داعية سيواجه طاغية. داعية سيواجه طاغية لما اهل الدين ما يبواجهوش الزالمين الناس بتفتن في الدين. آآ في ناس تقول لك ده الدين ده ما لوش دعوة خالص بقى بكلمة حق في وجه زالم يبقى الدين بتاعه - [00:29:14](#)

وفي ناس تانية تقول لك ايه ده! هو ده الدين! يقوموا ينقلب على الدين ويلحدوه والعياز بالله! يقول لك ده ايه! ده ده لا يمكن يكون دين وده ما ينفعش دين والعياذ بالله - [00:29:35](#) هنا داعية امام طاغية. داعية سيواجه ايه ؟ طاغية آآ آ طب هو ممكن اللي يواجهه الطاغية العوام عوام الناس فيه صورة واحدة بس في القرآن ابطال المشهد هم العوام - [00:29:45](#)

مش اللي مش مش داعية او بطل. سورة في القرآن ابطال المشهد هو العوام اللي ماشيين في الشارع. اللي واجهم ووقفم وسيبتهم وماتوا وضحوا بعمرهم عشان سورة ايه لا انا بقول الناس اهل الكهف برضه ابطال دول مجموعة من الابطال. انا بتكلم عموم العوام. العوام طول عمرهم ما لهمش اي سقل في التغيير. في تغيير الواقع - [00:29:59](#)

فيه صورة بقى للعوام وقفم وضحوا بروحهم وبحياتهم وكانوا هم ابطال المشهد. سورة ايه؟ ايه ايوة البروج اترمو في النار عشان الحق هو عمر العوام بيترموا في النار عشان الحق! هو عمر العوام بيوقفوا في قضية اصلا! ولا اول ما الزالمين يقوموا مهددينهم! عمر العوام بينطقهم - [00:30:22](#)

واشمعنى في سورة البروج؟ اشمعنى دي المرة الوحيدة اللي العوام وقفوا للظالم واطرموا في النار هم وولادهم وما رضوش ان هم يسيبوا مكانهم حد يقدر يقول لي اشمعنى ؟ لا يقول لي اشمعنى بقى ؟ يعني ممكن ادي له منديل هدية - [00:30:43](#)

او علبة عصير هدية اصل دي دي جامدة اوي. دي بصراحة معنى يا جماعة احنا مفتقدينه جدا. معنى مؤلم. اشمعنى في سورة البروج؟ اشمعنى في قصة غلام الاخدود هي اللي العوام بقى وابطال بالمنز ده. عمر العوام ما كانوا بالمنز ده. طول عمر اللي بيقف في وش الزالمين ابطال معينين. انما ان الناس كلها فجأة البطولة تنبعس فيها - [00:30:58](#)

الكلام ده منين؟ ها عارفين ليه؟ ها عشان لو حد يقولها بقى وياخد علبة العصير خلينا نحافظ على علبة العصير شوية ها آآ استنى يا شيخ احمد بس اصبر علي يا شيخ احمد علبة العصير كده كم انت مش واخدها لان غلام الاخدود اللي هو الداعية ضحى - [00:31:18](#) ابو عمر قدام الناس. فالتناس فهمت ان الدين هو ايه ان انا اضحي بعمرى. ما هو الناس الناس يا اخوانا بيقلدوا اللي بيطلع المنبر دهوه.

ما حدث واخذ باله من هذه الحقيقة. الناس ببقلدوه. لقوه راجل - 00:31:36

الناس بتبقى رجالة. لقوه بيضحي عشان الدين. كنت زمان لما كان الواحد آآ يعني يعني آآ يعني بيقابل اخوة التبليغ فكانوا يقولوا كلمة حلوة اوي. يقول لك احنا لو قعدنا نتكلم ليل نهار عن الآخرة الناس مش هتصدق ان في آخرة. انما لما انا اجيب حاجة دنيوية غالية -

00:31:50

وتألف بها قلب واحد مش ملتزم عشان يلتزم. ساعتها الناس هتصدق ان فيه آخرة. قال لك فيه؟ قال لك الناس مش هتصدق بالكلام. اقعد ادن كلام عن الآخرة وانت حياتك زيك زي الناس. وبتجري على الدنيا زيك زي الناس. وبتقاتل عليها زيك زي الناس. قال لك انما

الناس امتى هتصدق ان في آخرة؟ لما اهل الدنيا - 00:32:11

لما اهل الدين يضحوا عشان الآخرة. ساعتها بس الناس تصدق ان فيه آخرة عشان كده النبي عليه الصلاة والسلام لما شاف صفوان ابن امية في عينيه نظرة طبع رهيبة لما شاف غنم بين جبلين فالرسول عليه السلام الرسول عارف النزرة دي الرسول ربنا اهله للنبوة

بالتجارة مش اهله للنبوة - 00:32:31

ان هو درس فقه وعقيدة. اهله للنبوة انه نزل الارض. واتعامل مع الناس وفهم الواقع. وفاهم نظرة الطمع اللي في عينين صفوان ابن امية فيقولوا اتعجبك يا صفوان؟ النزرة دي النبي عليه الصلاة والسلام عارفها اتعجبك يا صفوان؟ قال له ومن لا يعجبه هذا رسول

الله؟ قال له هي لك. هي لك. صفوني - 00:32:51

ابن امية شف كم واحد اسلم وراه. بسبب هذا الموقف. فالناس امتى هتصدق ان فيه آخرة؟ لما اهل الدين يضحوا عشان الآخرة مش لما اهل الدين يتكلموا عشان الآخرة. فغلام الآخود امتى الناس رمت نفسها في النار؟ لما غلام الآخود قال للملك يقتله ازاي؟ عشان

الناس - 00:33:11

تعرف الدعوة. فالناس فهمت ان الدين ان انا اضحي بروحي. فالناس ضحت بروحها. الناس يبقى اللازمة فينا ولا فيهم؟ في الناس برضه يبقى اللازمة فينا؟ فينا ولا فيهم؟ اللازمة فينا. اللازمة فينا احنا. احنا لو صالحنا الناس هتصلح. الناس اللي قاعدة بتسمع درس

دين في المسجد وبتصلي - 00:33:31

في المسجد. الناس دي لو بقت قدوة حقيقية في الدين الناس كلها تصدق والناس كلها هتبقى علاقتها بالدين علاقة قدوة انما مش علاقة ايه؟ كلام هل اتاك حديث موسى اذ ناداه ربه بالوادي المقدس طوى. اذهب الى فرعون انه طغى. طب ليه قصة موسى جت بعد

الايات اللي بتتكلم عن القيامة - 00:33:52

والاحتضار والآخرة. ليه؟ ليه قصة موسى جت بعد ديت؟ لان يا اخوانا انت عايز تقنعني ان انت خايف من جهنم بجد وشايف اختك في البيت. نازلة متبرجة ومش هامك ان هي تنزل المتبرجة. لو خايف من جهنم هتخاف على الناس - 00:34:12

لو انت نفسك في الجنة هتتمناها للناس. يبقى من عرف الآخرة لم يسكت. يبقى احنا عدم كلامنا للناس عن الجنة والنار بسبب ان احنا تصديق تصديقنا للجنة والنار ضعيف. احساسنا بالجنة والنار ضعيف. من عرف الآخرة لم يسكت. ليه قصة دعوة الى الله بعد قصة

الكلام - 00:34:32

عن الآخرة لان لو انت انسان صالح بجد والكلام بتاع الآخرة ده داخل قلبك انت هتبقى انسان مصلح. ومش هتبطل كلام عن الآخرة. وهتنزل تحزر ناس من عاقبة المعصية لو انت مصدق بجد هي دي القضية يا جماعة. ما فيش حاجة اسمها ان انا مصدق ان في آخرة

وياكش الناس تولع يعني يكش ان الناس تولع. مصدق ازاي يعني - 00:34:52

يعني منين ان انا عارف ان فيه حريقة على باب الشقة واخويا مصمم يخرج وانا اقول له تعال يقول لي لا انا اخرج واقول له خلاص انت حر انت حر انا لو مصدق ان فيه حريقة - 00:35:12

غصب عنه. هتودي نفسك في مصيبة. لو انا مصدق ان المكان ده شريط قطر والقطر هيعدي الوقتي. واختي نايمة على شريط القطر وبتقول لي انا مريحة شوية. ما فيش ولا حاجة انا ده غصب عنها. ليه؟ لانهما تتفرم. لو فضلت واقفة في طريق ايه؟ في طريق القتال.

القتال. هل اتاك حديث موسى - 00:35:22

اذ ناداه ربه بالوادي المقدس طوى. لما ربنا اختار موسى بقى واصطفاه. لما ربنا اصطفى سيدنا موسى. يعني يعني النبي عليه الصلاة والسلام كان يعبد ربنا قبل ما ربنا يصطفيه للنبوة - [00:35:42](#)

هل النبي الوحيد اللي كان يعبد ربنا يا جماعة؟ قبل ما ربنا يصطفيه؟ ولا كان فيه ناس تانية بتعبد ربنا؟ سيدنا ابراهيم مين ما هو سيدنا ابراهيم عليه السلام آآ انت ما شاء الله انت يقز ما شاء الله بس سيدنا ابراهيم قبلها بكام بسنين طويلة جدا. لأ انا بتكلم سيدنا ابراهيم قبلها بحوالي تلت تلاف وخمسمية سنة. انا بكلم - [00:35:59](#)

مع النبي كان فيه ناس تانية موحدة وما بتسجدش لصنم كان فيه. رقم واحد ورقة بن نوفل. رقم اتنين زيد ابن عمرو ابن نفيل. رقم ثلاثة ابو عامر الفاسق. اللي كان اسمه ابو عامر الراهب. قال لأ طب زيد ابن عمرو ابن نفيل كان شخصية اصطدامية - [00:36:19](#) كان يقف ويشتم المشركين ويقول لهم انتم ضلال فاصطدموا به وطردوه برة مكة. ورقة ابن نوفل كان شخصية انعزالية. يا عم وانا ما لي! وقعد بقى ينسى اخوات التوراة وقعد في بيته وما ليش دعوة بالناس. هم احرار هم دولار - [00:36:38](#)

ان محمد عليه الصلاة عليه الصلاة والسلام كان شخصية احتوائية. كان يطعم الكل ويحمل المسكين ويعين على نواب الحق ويدخل في حلف ابن جدعان وهو عارف انهم ضاللية. وهو عارف انهم - [00:36:51](#)

ولكن هو بيتعامل مع الواقع عشان يغير الواقع. ما هو الشخصية اصطدامية ولا الشخصية النعزالية؟ فده اللي ربنا اختاره. كان فيه واحد رابع بقى اسمه ابو عامر طيب ده واحد كان يعبد عشان ربنا يدي له النبوة. فلما ربنا اعطاه لسيدنا محمد انقلب وده اللي حاول يقتل سيدنا محمد في غزوة احد. وسمي ابو عامر - [00:37:01](#)

الفاسق والعياذ بالله ليه؟ لانه كان يعبد عشان ربنا يرفعه. كان يعبد ربنا عشان ربنا يدي له مركز. عشان ربنا يدي له وضع. فلما الوضع راح لغيره لا انا ما عبتش عشان كده. فانقلب من ابو عامر الراهب الى ابو عامر الايه؟ الى ابو عامر الفاسق - [00:37:21](#)